

Trouwé

Yana Yu hat nei in troufeest west.
 'Sille wy ek trouwe, Tomke?', freget se.
 'Ik wit net hoe't dat moat', seit Tomke.
 Yana Yu lúkt in kleed út de ferklaakoer.
 'Wy moatte moaie klean oan ha', seit se.
 Se hinget it kleed oer de holle.
 'Sjoch, dit is myn sluier.'
 Tomke pakt ek in kleed.
 Hy docht it om de skouders.
 No kinne se trouwe.
 It breidspear rint troch de keamer.
 'Ik wol ek meidwaan', seit Romke.
 En hy springt út syn koer.
 'Okee', seit Yana Yu.
 'Do meist myn sluier wol beethálde.'
 Dat is leuk!
 No rinne se mei syn trijen troch de keamer.
 Romke achter it breidspear.
 Mei de sluier yn syn bekje.
 'Ik ha noch gjin blommen', betinkt Yana Yu.
 Se sjogge om har hinne.
 Op de tafel stiet in faaske mei blommen.
 Tomke pakt de blomkes.
 En jout Yana Yu wer in hân.
 'Nee!', ropt Yana Yu, 'ík moat de blommen ha.
 Dat heart sa.'
 'Mar,' seit Tomke, 'ik ha de blomkes pakt.
 Ík wol se beethálde.
 Oars wol ik net mear trouwe.'

'Hee Tomke, ik wit wat', betinkt Yana Yu.
 'Do kinst wol in blomke op dyn jas ha.
 Dat hie omke Rudy ek.'
 'Okee', seit Tomke.
 Hy kniperet it blomke op syn kleed.
 Dan krijt Tomke in goed idee.
 Hy draaft nei de boartersguodkoer.
 En komt werom mei in trommel.
 Rom, bom, bom, trommelet Tomke.
 Yana Yu sjongt derby.
 En Romke syn sturtsje giet hinne en wer.
 Dan komt Kornelia yn 'e keamer.
 'Wat dogge jim?'
 'Wy trouwe! Wy trouwe!', roppe Tomke en
 Yana Yu.
 'Dér heart wat lekkers by', fyt Kornelia.
 Eefkes letter sit it breidspear gesellich te
 smikkelen.

